

32251/P 72995 N. 8.
DE CURATIONE
STRANGURIAE
CONTUMACIS

Frequentem, maleque tractatam,
GONORRHOEAM VIRULENTAM
Consequentis.

JOHANNIS HIERONYMI LAPI
DISSERTATIO.



R O M A E,
Apud Haered. Jo. Laur. Barbiellini, in Foro Pasquini.

M. D c c. L i.

PRÆSIDVM PERMISSVM.

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY
1100 EAST 58TH STREET
CHICAGO, ILL. 60637

CHICAGO, ILL.

THE UNIVERSITY OF CHICAGO

CHICAGO, ILL.



THE UNIVERSITY OF CHICAGO

THE UNIVERSITY OF CHICAGO

CHICAGO, ILL.

CHICAGO, ILL.

(III)

Illustrissimo ac Reverendissimo

P R A E S U L I

JOHANNI FRANCISCO
BANCHERIO

APOSTOLICI AERARII PRAEFECTO.

JOHANNES HIERONYMUS LAPIUS
FELICITATEM.



Q UOD lauta, & opipara
praestantioribus dignita-
te, potentiâque Proceri-
bus afferri non raro vi-
demus, hoc eorum opibus adscribi-
mus, & amplitudini. Quod vero ii-
dem aliquando leviuscula minime de-
dignentur, hoc ipsorum comitati, hu-
manitatisque tribuimus. Cum autem
illud

illud fortunae sit, hoc virtutis, nemo
 est, qui non animadvertat, illustrio-
 rem laudem eosdem assequi, cum le-
 via accipiunt, quam cum preciosissi-
 ma eis munera offeruntur. Hinc non
 ingratum Tibi futurum existimavi,
 si tenuem hanc ingenii mei lucubra-
 tiunculam nomini tuo inscriberem.
 Quandoquidem hinc agnoscent omnes,
 tali Te praeditum benignitate, ut ne-
 minem a Te repellas: Nam cum maxi-
 ma quaeque merearis accipere, tantâ
 hilaritate minima offerentes excipis,
 ut ipsis, magnum aliquod dedisse Ti-
 bi, non immerito videatur. Quî autem
 fieri poterat, ut virtutum suavissima,
 benignitatem inquam, abesset abs Te,
 qui a prima usque aetate difficilioribus
 assue-

(V)

assuevisti? Cum enim sis natus in Civitate Etruriae clarissima, ex patricia gente, non alibi quaerenda Tibi, quam domi fuerunt, pietatis, sapientiae, magnanimitatis, prudentiae ad imitandum exempla. Accessit per liberales educatio, quae ingenuis artibus, severioribusque philosophiae disciplinis ornatum, imbutumque dimisit. Ac cum talem Te cives tui cognovissent, ut conceptae de Te spei honores patriae satisfacere non possent, Romae donaverunt, ut in hac Luce, & Theatro orbis terrae tuarum virtutum jubar latius coruscaret, prodes ses pluribus, ac splendidioribus Magistratibus exornareris. Excepit Te Patruus tuus Antonius S.R.E. Cardinalis

(VI)

nalis Bancherius, ab omni hominum ordine commendatissimus, quiis Te moribus, ac disciplinis informavit, quarum usus in Curia praecipuus est, & quae eo Te deducerent, quo meritis cumulatus omnibus pervenit Cognatus Tuus Clemens IX. P.O.M., Rospiliosorum Principum, & Ecclesiae decus sempiternum. Hinc factum est, ut honoribus in Urbe functus, ingenii alacritate, justitiâ, consilio, & praecipua quadam agendi vi, adeo, delicatiori etiam, cuique satisfeceris, ut palam cuncti altius te cupiant promoveri. Haec fuerunt in causa, cur ego maxime vellem inter tuos adnumerari. Quod cum aliâ ratione assequi non possem, quam Te in mei, ope-
rum-

(VII)

*rumque meorum Patronum adscito:
Hanc Tibi Opellam venerabundus
trado. Quam si benigne humaniter-
que exceperis, eo favore hominum
feretur in vulgus, ut ejus auctori
nemo jam audeat obrectare. Inte-
rim Tibi, ac bono publico Vale.*

IMPRIMATUR,

Si videbitur Reverendiss. P. Magistro Sacri
Palatii Apostolici .

*F. M. de Rubeis Patriarcha Constan-
tinopolitanus Vicesgerens .*

ADPROBATIO.

JUSSU Reverendissimi P. Augustini Orsi S. P. A. Magistri legi
accurate Dissertationem de *Curatione Stranguriae Contuma-
cis* &c. , quae ab Auctore cum primis docto Johanne Hieronymo
Lapi erudite , ac subtiliter scripta est . In ea nihil offendi , quod
Catholicae Fidei , aut bonis moribus adversetur ; dignamque id-
circo judicavi , quae typis mandetur .

Ex Ara-Coeli Idibus Junii anno 1751.

Fr. Jo: De Luca Venetus Episc. Exam.

IMPRIMATUR,

Fr. Vincentius Elena Sacri Palatii Apost. Magister
Socius , Ord. Praedicatorum .

JOHANNIS HIERONYMI LAPL DISSERTATIO

De Curatione Stranguriae &c.



INTER plurima, maximeque hominum generi utilia, quae paucis ante saeculis medicorum ingeniis reperta sunt, jure, ac merito magni habendae videntur regulae, & modi, quibus exitiali morbo medemur, quem syphilidem, morbumve gallicum appellant. Jam a pluribus dictum de argento vivo, ab aliis dictum de radice falsae parillae, caeterisque pharmacis huic pesti propulsandae accommodatis. Etsi vero ob rectam eorum administrationem, totam ab infecto corpore recessisse syphilidem, frequenter novimus: Tamen nonnullas humani corporis partes, ita ipsius potenti viru, & crassâ medentium imperitiâ non semel affectas vidimus, ut ad priorem illas integritatem restituere, viri peritissimi minime potuerint. Ea in caeteris morbi hujus reliquiis deterrima affectionis species numeranda est, quam alii *carunculam urethrae*, & *carnositatem*, alii *stranguriam contumacem*, frequentioris gonorrhoeae *pedisequam* nuncuparunt. Eandem patientes, saepe, atque aegerrime micturiunt, quan-

A

do-

doque urinae effluxus sub lethi discrimine omnino impeditur, & puris aliquantulum ab urethra, quam ardores, & punctiones interdum excruciant, fere continenter defluit.

Huic sanandae multiplices curandi methodos jamdiu solertes medici excogitarunt, sed multae ipsarum periculis, curisque refertae, inanes aliae, quae precaria, brevique duratura levamina adferunt, vel aspernantur, vel a re medica, ipsismet novorum remedium fautoribus, inventoribusque consentientibus, plane exulare jubentur. Porro si unamquamque, ab iis descriptam, methodum velim enarrare, multus essem, & mihi prorsus deesse viderer, qui, caeteris omissis, tutiorem aliam, pluriesque feliciter tentatam, rei publicae commodo, & utilitati, unice exponere rationem decreverim.

Quam in rem illud primo animo recolendum arbitror, ante Saeculum XV. hanc stranguriae speciem Europae incolis haudquaquam patuisse, quam subinde, ceu venereae luis, ex America ad nos transvectae, propaginem, doctiores medici existimarunt. Quamvis hunc morbum aliunde deduci, negare plane non ausim; tamen ipsemet, praestantium quoque virorum testimoniis innixus, neminem, hujusmodi stranguriâ laborantem, hactenus novisse testor, qui prior syphilidem non accepisset, & urethrae, ob frequentem gonorrhoeam tabescenti, noxios liquores, ex acidis, austeris, aliisque paratos, antea non infu-

fudisset. Quare foeminas, patientes gonorrhoeam, quæ facilius externas pudendi partes, & uteri vaginam quam urethram inficit, neque similia in hunc canalem, virili laxiorem, breviorēque, ingerentes, vixdum *carnositatem* incidisse, non ignoramus. At cum mares undique huic morbi generi spectentur obnoxii, & cum canalis, urinam e vesica ducendi causâ fabricatus, atque finitimæ huic partes, primam, & propriam aegritudinis sedem sustineant, tum ipsius canalis, tum finitimorum locorum brevem præmittam descriptionem, lectoris, ut spero, non ingrati, rei autem nostræ futuram valde conducen-

Itaque, urinae, & feminis masculini effluxui accommodatum, fabricavit natura canalem, cui nomen urethra, amplitudine parvum calamus scriptorium haud excedentem, longitudine varium, non omni ex parte rotundum. Adhaeret urethra ambobus cavernosis corporibus, mentulae extumescētia conciliantibus, ipsius portiunculâ ad vesicam exceptâ, a cujus hiatu anteriori, vulgo collo, producitur. Anatome in primis observat in urethra spongiis affine corpus, pyriforme, cognomento bulbum; hic inferae, convexaeque illius haeret parti, atque exinde divisus, ei circumvolvitur. Prior urethrae pars membranacea innititur albidæ cuidam massæ, duriusculæ, castaneiformi, inter vesicam urinariam, bulbūque sitæ, graeco vocabulo *πρόσγαρα*, quod

locum vesiculis anteriorem sonat, & plurali numero dicimus, quia binos lobulos, canaliculo, superne ducto a basi ad verticem, distinctos efformare, videntur. Prostatae, quae recto insident intestino, intus sunt spongiosae, at durâ praeditae substantiâ: Hujus lobi plures habent folliculos, ad canaliculum, cujus supra meminimus, hiantes. Recto cursu colem pervadens urethra, non mediam glandem ostio sublongo, sed imam perforat.

Praeterea in superiori urethrae parte insertâ prostaticis, exigua quaedam extat prominentia, posterior crassa, & ovalis, anterior in aciem desinens. Haec modo *caruncula*, & *crista galli*, modo *caput gallinaginis*, *granum hordeaceum*, & *veru montanum*, dicitur. Ubi ea crassior fit, vel unum, vel duo, vel tria dispiciuntur foraminula, semini, tam recta derivanti a parastatis, quam a vesiculis, ad quas, moram factururus, digreditur, fluxum cedentia. In hanc etiam crassam carunculae partem quaterni, aut quini, aut seni, confluunt ductus, humorem, in prostaticis secretum, emittentes. Tenuis membrana, intro sepiens urethram, pluribus distincta est vasculis, multique oblongi hiatus, sive lacunulae per ipsam distribuuntur, quarum nonnullas, praesertim glandi proximas, facilius sensu apprehendimus. Hae nihil aliud sunt, quam canalium orificia, effluentium liquorem, in glandulis, per urethram dispositis, elaboratum. Spongiosâ urethrae
textu-

D I S S E R T A T I O .

5

texturâ vix inceptâ , duae , caeteris ampliores , spectandae occurrunt lacunae , quas adeunt bini longi ductus , a totidem glandularibus massis , circa bulbum positis , prodeunt . Quae glandulares massae , antiprostatatae , prostatae inferiores , & glandulae Cuvperianae vocantur . Adest saepe tertia , quam nonnulli glandulam Cuvperi tertiam appellant .

Diximus , in crassa carunculae parte unum , duo , seu tria patere ostiola , semen a testibus profusum evomentia ; canales vero , semen huic deportantes , praetermisimus . Hi quidem ad urethram non adtinent ; sed quia non raro morbus , cujus sanationem promittimus , hos , & vesiculas feminales obsederit ; nonnulla de iis summis labiis , ut ajunt , delibare , operae precium duco . Hi ductus , foris aliquantulum plani , intus cylindrici , qui vasa etiam deferentia nominantur , substantiâ quadam albicante , & validâ donantur , atque ad calami straminei magnitudinem accedunt . Ab utraque epididymide , seu parastata unus discedens vasorum sanguineorum spermaticorum cellularem vaginam ascendit , ac ex eorum mutuo nexu funiculus , nomine spermaticus , coalescit . Utrique subinde membranaceam peritonei laminam introeunt , a vasis spermaticis recedendo , per cellularem ejusdem substructionem , itinere inverso , non longe ab arteria umbilicali , & uretheribus , vesicam urinariam assequuntur . Sub hac reptantes , ejusdem collum petunt , ibique mu-
tuo

tuo occurſu terminantur . Ita conjuncti , veſiculas attingunt ſeminales , quae ſunt membranacea , cellulosa ſervandi , perficiendique ſeminis receptacula , inter rectum inteſtinum , & veſicae collum oblique collocata . Denique ab extremitatibus partim unius canalis deferentis , partim unius veſiculae , utrinque duo tubuli naſcuntur , qui proſtatarum baſim inter , & urethram excurrentes , & hanc oblique penetrantes , ad veru montanum , uti animadvertimus , ſeminalem liquorem eructant .

His igitur perpensis , delicatulam hanc , & mollem minimorum organorum ſtructuram laedi facillime poſſe , atque corrumpi , mirum certe non erit : Ac cum praestantium doctrinâ hominum obſervationes , & experimenta liquido nobis ſuaſerint , hujusmodi ſtranguriam earum alterutris partium inſidere , reliquum eſt , ut , ſede morbi exploratâ , ad morbi ipſius indolem , naturamque ſermonem convertamus ,

Neminem , qui in re medica hospes non fuerit , latere puto , ſubſtantiam illam principem , quæ & ſyphilidem proprie conſtituit , & infeſta hujus ciet ſymptomata , eſſe naturae tenuiſſimae , & ceu potentis veneni , ſummopere efficacis , ac particulis , phyſico vocabulo alcalicis , ſive acribus , nequaquam acidis , adſcribendam . Ipſa diſtanti corpore apud nos nunquam obefſe viſa eſt , cum , niſi mutuo attactu , virus non propagetur . Per os vero , mammarum papillas , cunnum , anum , mentulam , aliasque partes , tegumento ſubti-

subtiliori munitas , viscidâ madentes uligine , & tenui oleo illitas , celtica lues excipi solet .

Etenim , si concubitu mas ab impura foemina per urethram venereum recipiat contagium , & hinc gonorrhoeae fiat obnoxius , saniem censeo , tabumque a vulva , & genitalibus , jam labe corruptis , promanantem , conclusam in se retinere syphiliticam materiem , quae , aut vaporem simulans , aut tenuioribus , liquidioribusque humorum partibus confusa , hiantem , calefcentem , atque expeditam erecti penis urethram ingreditur , & statim a muco , lymphaque , ipsius cavitationem linientibus , ebibitur . Ii tum computrescere incipiunt humores , & membranæ , quâ urethra intrinsecus vestitur , vascula fibrillaeque , virus potentiâ perculsae , rumpuntur , lacunulae item , canalium , emittentium ostiola , & caruncula sensim roduntur , laceranturque . Humores , canalibus retenti , subinde diffunduntur , æer a firmis , liquidisque partibus , mutuo aestu ferventibus , recedens , parvulas movet extumescencias ; caloris , dolorisque pungentis sensus , mingendo praesertim , urethram cruciat ; mox quaedam variae amplitudinis , & continuo pure fluentia , ulcera nascuntur . Hinc gallicum virus , intro resorptum , fermentationis speciem referens , augetur in dies , propagaturque , instar fermenti , dixerim , panis conficiendi causâ , in triticea farina soluti .

Si nimium frequens admissa syphilis nova ulcera antiquis cicatricibus infligat , maximum parvis hisce ,
tene-

tenerisque organis detrimentum adfert, & difficillimam tanti morbi de die in diem sanationem reddit. Equidem haud negabo, ulcera per saepe urinae cursu irrigata, æeris accessui exposita, & a manuum tractatione remota, tarde sanari, tantamque esse interdum firmarum partium labem, ut quaecumque, a sapienti medico conquisita, remedia frustra adhibeantur. At callus, caeteraeque sordes, quibus talia ulcera, carunculam, ductus seminales, prostates &c. depascunt, adimplentur, & vere stranguriam inducunt, nisi medendi ergo imperita manus accesserit, nunquam mihi exoriri posse videntur. Jandiu enim apud inscitum medicorum vulgus, agyrtaeque mos invaluit, vix dum signa virulenti fluxus apparuerint, inflammata, dolentemque urethram perfundendi injectionibus ex vitriolo maxime, ex saccharo saturni, ex ferro, aliisque similibus, abstergerendi nempe, & citissime ad cicatricem perducendi gratiâ, ulcuscula recens enata. Quibus interdum alia ex rebus balsamicis, aromaticis, & roborantibus appellatis, medicamenta intermiscunt. Horum particulae, aquâ innatantes, corruptis fibrillis adjunguntur, easdem inter se arctius compingunt, fluentesque liquores mirifice retardant. Quae de re & humores, & vascula, & rerum injectarum particulae, simul cõeunt, adeo junguntur, ut, luridas, fungosas, callosasque ulcerum oras paullatim fieri necesse sit. Atqui, ipsam aegrorum, vera profitentium, assertionem, & albam duramque crustulam, admo-

admoto post vitriolo, nuper exortis in ore ulcusculis subcrescentem, hujus rei fidem facere, ita est perspicuum, ut non sit opus longâ oratione demonstrare.

Transacto igitur virulentæ gonorrhoeæ cursu, quem ad tres circiter menses traduci posse concedimus, urethrae *carnositatem*, sive stranguriam eos incurrisse, certum est, qui post diutinam, quoad volentibus contingere potest, urinae retentionem, externum urethrae hiatum, & penis glandem, pure aliquantisper illitam reperiunt, & digitis a perinaeo ad coronam glandis premendo deductis, guttulam quandam, vel subalbidi, vel flavescentis, vel virescentis puris ab urethra defluentem conspiciunt. Saepe contractiones, punctionesque circa perinaeum excitantur, & valde molestus glandem pruritus excruciat. Parce micturiunt aegri, ut superius indicavimus, at frequentissime; atque aegerrime postea, gravique contentione, vix mingere possunt, si forte urina diutius sit comprimenda. Nunquam pleno alveo lotium fluit; sed tenui, intermisso, creberrime bifido cursu decidit, a veru montano ad penis coronam urethrâ dolente, albisque filamentis in matula saepe defidentibus. Ampliores tunc, diuturnioresque fiunt aëris inspirationes, ut fortius diaphragma, eique subjecta viscera ad retardatum urinae effluxum promovendum deprimantur. Ea morbi symptomata ob frequentem coitum, & equitationem, in pravo item cibi, potusque genere utentibus, ac vehèmenti animi pathemate commotis, frequenter adeo

ingravescent, ut stranguria in plenam urinae suppressionem, ischuriam dictam, quandoque evadat; vel contra, sed rarius, in perpetuam urinae incontinentiam postremo se vertat.

Interea, sic catheterem, vel ex plumbo, stanno, argento, cera conflatas virgulas quis immittat in urethram, ulcerum situs, & calli, fungosaeque carnis duritiem, mollitiemve explorabit. Cum vero illas extraxerit, extremitatem pure inquinatam, ac urinam expeditiori, ampliorique alveo ad breve tempus fluxisse, conspiciet.

Causis, symptomatibus, loco, & morbi signis, quantum erat praesentis instituti, veluti in conspectum quendam adductis, negabit mihi nemo unus, chirurgos omnes, & superioris subsellii medicos, hujusmodi stranguriam, aut difficillime, aut nunquam sanari posse, mirum in modum consensisse; inter hos Junckerus, Benevolus, Heisterus, Astrucius, Garengeotius, Brunnerus eminent, horum plerique omnia adurendi, exsiccandi, & adstringendi vi praedita, topica remedia cane pejus esse & angue vitanda, arbitrantur. Virgulas autem, ex cera, plumbo, aliisque ejusmodi comparatas in urethram, *carnositate* affectam, demitti praescribunt, haud caeteroqui negantes, propter virgularum usum, temporis diuturnitate, ac nimium plenam fastidii diligentiam morosum, etiam atque etiam aegrotantes jure taedere, & ipsorum neminem penitus, & omnino convaluisse. Crebro stranguriam
labo-

laborantes , curandi methodis , ab Heistero , Benevolo , seu Astrucio enarratis , diu subjectos vidi ; at , frustra re tentata , immo suo ipforum detrimento , oleum , & operam perdiderunt .

Inter haec cum amicus optimus , acerbis stranguriae affectionibus cruciatus , anxius ad me venisset , seque morbo tam gravi levare , efflagitasset ; aliam novamque , veteribus praetermissis , morbo , quo agebatur , medendi rationem amplectendam , proposui , quâ confidenter receptâ , bonisque avibus , uti dicunt , adhibitâ , ocyus , quam speraret , & omnino convalevit . (1)

Nihil porro verebatur , quin stranguria , quâ afflictabatur amicus , ab ulceribus sordidis , ad urethram praecipue latentibus , proveniret : neque illa ad cicatricem ullo modo deduci posse videbamus , nisi emollientibus satius enatas fordes , callumque , quam erodentibus , vel exsiccantibus medicamentis , seu plumbeis virgulis remove moliremur . Quibus auferendis sordibus omnia , quae ex mucida , pingui , & terrestri materia simul admixta componuntur , & in aqueo solvuntur fluido , apprime accommodata prospeximus , atque ob eorum effectum emollientium , sive laxantium nomine sunt insignita . Haec tarde , & leniter agendo , neque sanas partes torquendo , tuto ; nec multum incommode morbi semina paulatim extinguunt . In callo certe , & sordibus ab ulcere exter-

(1) Vide Historiam primam in calce Dissertationis .

no tollendis, chirurgi rarissime aquea, seu pinguis laxantia solent adhibere; cum & ferro caedere, & erodente consumere deperditas quidem, verumtamen vivo corpori adhaerentes substantias opportune conspiciantur. Summus autem vir Johannes Junckerus (1) calli evulsionem commendat emollientibus esse tentandam, cujus a sententia clariss. Gerardus Vanvvietten (2) minime discrepare videtur: Hi vero lene aliquid, balsamicam naturam redolens, laxanti remedio misceri voluerunt. Optime quidem, & sapienter admodum, cum laxans medicamentum, insidere diu callo debeat, & pars affecta in summum imbecillitatis gradum ceciderit.

Si magni nominis chirurgus Benevolus (3) non tantum ad partes relaxandas, multorum sequens vestigia, emollientes liquores syringâ infudisset in urethram aegroti, ejusdem modi stranguriâ laborantis, sed ut iis artibus morbi curationem absolveret; olei, aliorumque laxantium usum, vel periculi plenum, vel inutilem certe non credidisset. Angores enim, & molestiae, quae, peractis injectionibus, adveniunt, ac Benevolum quoque non latuerunt, nisi ab iis subito destitisset, minime obnoxias fore spectasset, immo eas conatus esse Naturae, medicamento adjunctae, ulcerum sanationem molientis, ipse pro-

com-

(1) Conspect. Chirurg. Tabul. XL. §. V. tom. VI.

(2) Comment. in Aphorism. Boerhaave. §. 207.

(3) Nuova proposizione intorno alla caruncola dell' Uretra pag. 147. ediz. di Firenze 1724.

comperto habuisset . Quisnam criticas fieri morborum expulsiões vidit unquam , quin & laboriosi febriles motus , & capitis gravitates , & muscutorum nimiae nervorumque distentiones vel antecederent , vel comitarentur ? Quibus temperandis si operam medicus navet suam , bene munere perfunctus habetur .

Certior igitur quis factus , sordida ulcera , membranam urethrae , veru montanum , prostates , antiprostates , aut vesiculas seminales inficientia , stranguariam adtulisse , hac methodo ipsius curationem impense aggrediatur . Primum a vino , aliisque vinosis , seu fermentatione comparatis potionibus , ab aromatibus , acribusque quibusvis vegetantibus , & ab omnibus sale exsiccatis , fumoque induratis abstinentiam ad aliquod tempus indicito . Aquam simplicem optimam , vel acido tenui succo aspersam , bibendam dato ; in prandio autem & coena vini meraci parum degustandum permittito . Pisces boni succi , teneras volucrum , & quadrupedum euchymas carnes , ova recentia , lac , butyrum , horarios fructus , olera subacida , amariuscula , farinosa , & cerealia semina , seu triticea , pro cibo sobrie assumenda proponito . Equitationem , celeremque deambulationem , balneum , sudoris nimiam expressionem , at prae omnibus concubitum vitare consulito . Per haec unam , vel alteram ex herbis malvae , violae , parietariae , althaeae , mercurialis &c. medicus aquâ jubeat incoquere : mox aquâ post decoctionem servatâ , mane , & vesperi per
sy-

fyringam, cum prius ea igne tepuerit, ternâ, quaternâve injectione urethram perlui, necesse est. Verum cum aliquantisper immorari loco male affecto medicamentum oporteat, ne aqua injecta statim refluat, facile obtinebis, si, detractâ fyringâ, manus digiti, pollex, index, mediusque colem intra glandis coronam non laxè circumplicent.

Aegro autem si, nullo adjuvante, clanculum sibi mederi libuerit, dummodo primis vicibus, nondum expertus, ab urethra extremo fyringae tubulo caveat laedenda, haud difficile rem persequitur. Statim, injectione peractâ, coles digitis circumvolvatur, ac fyringae tubulus educatur lente, ut commodius infusus liquor intus contineatur. Subinde coniecti liquoris in callum, & fordes insinuationi levis in perinaeo manuum adfrictio apprime favebit: Hinc laxatis digitis, liquor urinae commixtus, vel ipsam subsequens, exilire consuevit.

Aquam porro, ignis praecipue calore tepentem, ab animalis corporis partibus, iis maxime quae pinguedine, & oleo sunt minus infarctae, minimo negotio adtrahi observamus. Ob quam causam hac mutuâ partium conjunctione tenacitas, duritiesque ipsarum emollitur; & si extra humorum circulationem, veluti emortuae, jacuerint, quandam fermentationis speciem subeuntes, dissolvi incipiunt, digeruntur, putrescunt postea, & a vivis partibus,
quibus

quibus antea jungebantur , sub puris , saniei , vel aliarum corruptarum materiârum specie , promptè discedunt . Tum vero a maligno , fordidoque liberata onere Natura , teneras canalium fibrillas extendendo , & jam disruptas simul jungendo , cicatricem inducit .

Mucor sale , terrâ & paucò constans phlogisto & per ebullientem aquam a plantis quibusdam , althaeâ videlicet , malvâ , violâ &c. extractus , hanc partium immutationem vere promovet ; ideoque omni laxanti remedio ejusmodi mucorem adjungimus . Cum vero a quantitate imprimis inflammabilis , sive phlogisticae , materiae , dispersos undique igniculos contrahentis , haec dissolvens fermentatio dependeat , saepe fit , ut aqua sola , tepescens , vel mucilagine onusta , depellendis ab ulcere fordibus satis non sit . Oleum tum , adeps , butyrum , aut quaevis pingui phlogisto abundantia , ad vagantes colligendos igniculos , fermentationemque indeperditis partibus excitandam aptissima , erunt usurpanda . Olea tamen lenissimo calore fluentia , atque e vegetantium seminibus expressa , uti amygdalarum dulcium , nucum juglandium , & avellanarum , ex olivis , & seminibus peponum , cucumerum , cucurbitarum , lini &c. , juxta locorum , temporisque opportunitates , his injectionibus censentur accommodatissima : amygdalarum autem dulcium , vel olivarum olea tamquam satis idonea quotidie praescribo .

Itaque

Itaque tertiâ , seu quartâ post inceptas aquae injectiones die , volens libensque medicus , aut aeger alias ex olivarum , seu amygdalarum dulcium oleo , iis poterit substituere ; oleum a semuncia ad unciam circiter , quaque vice , in urethram ope syringae conjiciendo , noctu ante somnum opportunius , quam caeteris diei horis ; dabitque operam , ne infusum resiliat . Tam ex aqueis , quam oleosis conflatas injectiones plerumque vesicam intrare , ibique ad proximam usque urinae emissionem innoxias prorsus stetisse , centies vidi : nihilque accidit triste , si triduo post , quatrduove (quidquid nonnulli ex adverso deblaterent) olei foedata guttulis urina defluerit . Cum vero mictionem proximam usque ad injectionis tempus quis protraxerit , statim conjectus liquor sequens urinam excidet .

Hinc punctiones , contractionesque ad anum , perinaeum , urethram , & ardor , urinâ exeunte , percipiuntur ; exinde numero juxta ac magnitudine augentur filamenta , in matula desidentia , frequentioresque accedunt micturitiones , cum ulcerum sordes , & callus ob inductam a clysmatibus fermentationem abscedere inceperint . Interim Natura , machinationes , constitutionemque humani corporis solerter dirigens , atque ad ipsius servandam incolumitatem assidue excubans , vires repente suas profert . Validius enim cunctam fere musculorum ferriem contrahit : proinde capitis dolores , pandiculatio-

lationes oscitationesque sollicitae, horripilationes multum infestae, febriumque rigores non leves creberrime aegrotantem divexant, quos anxius calor, & universa membrorum excipit laxitudo. Urina, quae tenuis & alba febriles ante commotiones copiose fluebat, iis accidentibus, flavo & rubescenti colore tingitur, multumque defidit.

Interea injectiones, etsi rarius adhibendas censeo, tamen omitti penitus, ineunte praesertim curatione, nunquam suaferim. Eae namque musculorum, & nervorum distentiones, & febriles commotiones majori minorive morbosarum causarum ponderi respondent, nec mali quidquam his in casibus ominantur; maxime si putres tum fordes, filamentaque in urina magis magisque augeantur. Ad quintam aut septimam inceptis ab injectionibus diem corruptae, atrorubentis, densae, aliquantulum viscidae, multimodis divisaе, & ilico defidentis materiae copiam fluens secum trahere solet urina, & hac vix ejectâ, ampliori liberiorique cursu, morbi feliciter interituri significatione, lotium prodiisse cernimus.

Quamvis putris hujus materiae multum ab ulceribus urina refixerit, morbus tamen extinctus minime putabitur. Etenim nonnulli febriles motus, musculorum nervorumque distentiones, atque recurrentes virium laxitudines, praesertim si ab injectionibus cessatum non sit, quam saepissime redeunt.

Eas vero corpori nocuisse tantum abest, ut potius sordium evulsionem, majori humorum in male affectum locum concursu excitato, faciliorem reddant. Ea quidem symptomata putridae materiae egressum vel antecedunt semper, vel comitantur, quibus admodum copiosa urinae fluxio, cum levi dysuria, solet adjungi. Cujus rei causam ab oleo interiorem vesicae membranam, nerveam appellatam, irritante, non esse repetendam, praeclare demonstrat eorundem symptomatum accessio, etiamsi liquores tantum ex mucidis, aqueisque vesicam attingant, vel aliquandiu injectiones fuerint intermissae.

Callo, caeterisque durioribus sordibus, vi priorum clysmatum evulsis, insequenti temporis cursu meri puris, concoctique portiunculae, modo albas pelliculas, modo subtiles ejusdem coloris squamulas, modo variae amplitudinis furfures repraesentantes, post quamque injectionem cum urina prodeunt, ac majori, quam dicunt specificam, gravitate subsidentes, colligi, urinâ effusâ, observarique facile possunt.

Injectiones, aut ex aqua laxantibus herbis incocta, aut oleo conficiantur, tum continuis quibusque diebus, tum alternis noctu constantissime ante somnum, usque eo sunt adhibendae, donec ex praedictarum albescentium squamularum &c., discessione ab urina saltem per mensem integram senoverit aeger valetudinem consequutum, non ullam

iam mingendo dysuriam tulerit , & minime interruptum , expeditumque urinae decidentis fluxum , senferit . Putridae enim squamulae , furfuresque , quoties quinque septemve diebus necessario ab injectione vaces , recedunt ; si vero ei novam des operam , consuetis , levibus tamen ad caput , artus , ilia , femora distentionibus praeceuntibus , revertuntur , & , affecta donec pars instauretur , perdurant . De qua etiam partium instauratione catheteris , & cerearum aut plumbearum virgularum repetita in urethram immissio medicum faciet certiores .

Diximus in superioribus , ad canales , & vesiculas feminales quandoque ejusmodi ulcera fuisse progressa ; hoc tamen , fauste procedente injectionum methodo , declarabitur , cum antea vix ullum laesionis hujus pathognomonicon signum praesto sit . Aqua tepescens oleumve , intro coniecta fordes primum , urethrae cavo propiores , excitatâ fermentatione , molliunt , deturbantque : deinde in vasa seminalia , & vesiculas repunt , ac fordes iis adhaerentes , eâdem fermentatione dissolvunt . Tunc corporis Natura novos in partibus , substantiam dissolvendam proxime circumdantibus , ciet motus : nam praeter eadem vasa & vesiculas , funiculus cognomento spermaticus , & testes intumescunt , dolent ; anus prurigne affligitur ; iliorum femorumque musculi , humores intra se excurrentes ad locum affectum deducendi causâ , vehementius contrahuntur ,

tur , ut optata foridium evulsio , commodior , citiorque fiat .

Tunc inviti semen dormientes frequentissime projiciunt aegri , quod atrorubenti , sanguineoque imitanti colore tinctum , putidius , & consueto densius admiramur ; ii que , dolore prope veru montanum excito , subito expergiscuntur . Exinde dolor quidam insolitus ingravescit , qui , si umbilicum digito scalpas , ab hoc per vasa umbilicalia , fortasse magis subtenfa , ad vesicae collum , sive potius ad urethrae bulbum , interne propagari solet , cum sordes & callos injectis liquoribus mollescant , & pus conficiatur . Sanato postea morbo , canalibusque , & vesiculis feminalibus omnino deterfis , semen , atque organa huic emittendo , perficiendoque fabrefacta , in pristinum restituuntur .

Erit quoque animadvertendum , calculum vesicae interdum stranguriae conjungi , vel ejusmodi ulcera collum vesicae serpendo ascendere , & membranam ipsius interiorem , glandulasque , nomine mucilaginosas , afficere . Quamobrem muci copia maxima cum urina egreditur , subitoque desidens , matellae fundo tenaciter inhaerescit . Eo si morbus processerit , boni nihil injectionibus obtinetur ; quod ulcera mucido loco insidentia continenter urinae praesentiâ madefacta , vesicae dilatatione & constrictione distracta difficillime ad cicatricem perducuntur ; neque calculi angores evanuisse , nisi post evulsionem ,

nem , certum est . Haec autem mucilaginis fluxio , aut calculum in vesica latere , aut glandulas ipsius mucosas ulcera attigisse demonstrat , uti cadaverum dissectio me sæpenumero docuit . Quare in hoc difficili , luctuosoque rerum statu nunquam sanitatem aegro despondendam , immo ab injectionibus recte abstinendum , non semel admonui .

Cavere denique medicos omnes oportet ab emplastris , cataplasmatibus , fomentis , inunctionibus , caeterisque laxantibus hoc tempore admovendis dolenti , excalfacto , vel tumenti perinaeo , eique finitimis locis : deterrimum enim funestumque semper est , hanc externis remediis emollientibus curationem instituere . Quod si imprudenter id fecerint , laxatae eorum attactu fibrae & vasa collabuntur , & putridae materiae sinus cavantur , qua postmodum , intus collecta putredo , cellulari membrana , cute , cuticulaque disruptis , sibi viam aperiet ; simulque in omni vitâ per fistulosos insanabiles hiatus urina derivabitur . Et si forte ulcerum sinus , vel puris congeriem tam longe ab urethra sese extendisse constet , ut externam partium disruptionem impedire nequeamus ; perito artis chirurgò res committenda , qui prompte scalpello abscessum caedat , & manu , aptâque medicinâ plagae cicatricem obducatur . Hoc perquam triste suppurationis eventum , homines , *carnositate* laborantes , ob medentium inscitiam incurrisse , semel iterumque cognovi . Et quendam olim offendi , cui , urethrae
al.

alveo relicto, per tredecim, si bene memini, urina decidebat hiatus, hisque demum callo carneve fungosa occlusis, ischuriâ miser occubuit.

Postremo, cum sordes omnino esse depulsas, ac ulcera vix puris aliquid ac ne vix quidem progignere, liquido patuerit, pro laxanti liquore alius robur addens, firmanisque ex herbis virgâ aureâ, millefolio, hyperico, tanaceto &c. aquâ, seu vino parum incoctis, ad mensis dimidium, semel in die utilius erit conjiciendus.

Verum qui brevi sanationem crediderit consequendam, is certo falsus est. Ad menses enim multos, nihil molesta, saepe produci solet curatio. Neque medicinae diuturnitas aegrum sollicitabit, praesertim si, nullo adjuvante, injectiones alternis, vel continuis diebus peragantur. Aegrotantes igitur etiam atque etiam exhortor, ut laeto animo viam ingrediantur, non tamen subito, sed statò tempore decurrendam. Nam ut vetus fert proverbium: *Nemo repente fit sanus*. Sanitatem vero serio ac vehementer desiderantibus ea brevior esse curatio, quae tutior est, videtur. Ego autem, nisi animus me fallit meus, certissime confido, hujus mei consilii, ingenti studio, & observationibus parti, nunquam fore ut aegros poeniteat; tum a medicae artis peritis, quaecumque illud sit, haud improbatum iri.

Monitum .

QUO amplior in Dissertatione enarratis sit fides habenda, & sermones hosce meos, non domi fictos, sed experimentis esse confirmatos, certius omnibus pateat, quatuor morborum historias, quas antea in adversaria retuleram, hoc loco subtexere decrevi. In quibus etsi plurima, pertractatae rei illustrationi utilia, poterunt desiderari; historiae tamen veritatem numquam lectori benevolo defuturam promitto.

Historia prima .

JUvenis triginta & sex annorum, temperamenti sanguineo-melancholici, quater gonorrhoeam virulentam decennio passus est. A prima, & altera diluentibus remediis cito convaluit. In curatione autem tertiae, caeteris deterioris, diluentibus injectiones in urethram vitriolo cyprio medicatas adjunxit. Vigesima & prima die gonorrhoea abiisse videbatur, at pruritus saepe ano molestiam adferebat, neque amplius expedito, plenoque alveo urina fluxit. In quartam denique incidit gonorrhoeam, praeteritarum deterrimam, quam subito conatus est repellere diluentium copiosa potatione, & injectionibus ex vitriolo, saepius in die dolentem, ferventemque urethram infusis. Unâ supra vigesimam die morbi

morbi symptomata remittere; ab urethra vero semper aliquid puris scatebat, & difficile mingebat aegrotans. Interim ab injectionibus ad lenia medicamenta cathartica, mercurio, ut ajunt, dulci adjecto, frustra confugit. Ingravescere tum coepit stranguria: namque urina, nisi sub magnis universi fere corporis conatibus, bifida non excidebat, multaque putrida filamenta cum ipsa demittebantur. Digitus cum stricte, ad veru montanum, perinaeo admoveveretur, dura instar anuli prominentia, cum dolore pungenti percipiebatur; ibique morbi causam adesse, aeger petentibus adfirmabat. Primum vulgaribus injectionibus ex calce, vel ex lapide crollii medicamentofo, vel ex plumbo in calcem redacto, vel ex mercurio praecipitato & dulci, vel ex camphora, secundum artem paratis, magno cum sui detrimento usus est. Subinde ab eo accersitus, parvulorum cereorum medicationi ut sese daret imperavi, ex qua prominentiam supra memoratam esse principem morbi causam, apertius comperi. Cumque cerei cujusvis extremitas, pure inquinata extraheretur, de ulceris quoque praesentia certior factus fui; & puris fluxio major erat, si perinaei carnem digitis, immissi cerei extremitatem versus adactis, comprimerem. Postmodum virgulas plumbeas juxta methodum, ab Johanne Astrucio praescriptam, diebus pluribus, nihil proficiens, in urethra retinuit. Jam pro comperto habueram a callo sordibusque, ulcera

ulcera opplentibus , stranguriam exoriri , quam cito lethalis ischuria sequutura videretur ; atque ob advenientem suppurationem a carunculae agritudinibus (1) olim sanum evasisse alium non ignoraveram : ideo praedictas sordes laxanti injectione mollescere , ac putrescere posse sum (2) ratus . Itaque tepescentes primo decoctiones ex herbis mucilaginosis emollientibus , secundo ex oleo vel olivarum , vel amygdalarum dulcium , in urethram fistulâ injiciendas existimavi . Is mihi morem gerens , per se ipsum injectiones ex malva ad quintam diem , postea ex oleo olivarum alias peregit , sex aut septem horae sexagesimis spatiis intra urethram injectum retinens liquorem . Septimam a primis injectionibus diem dolor capitis , virium imbecillitas , nimia ad somnum proclivitas , & denique cum rigore febris accessere , quae omnia copiosus sudor excepit . Per haec cum levi dysuria plurima albescentia filamenta in urina subsidebant . Injectiones , biduo praetermissae , die tertia in usum revocatae fuerunt ; & vesperi ejus diei cum vehementi rigore , distentionibus ad ilia praesertim , & femora , capitis dolore , & copioso urinae fluxu febris advenit , cui declinanti sudoris magna vis non defuit . Postquam vero febris quievit , aegrotus facile mingens aliqua substantiae carnea putrefactae fragmenta scrutorum instar cum urina eduxit , quae

D

ter

(1) Benevoli Nuova proposizione pag. 133.

(2) Vide quod supra in Dissert.

cer mingendum inter apparentia , ilico imam petebant matulam , exindeque liberior urina reddebatur . Triduo post injectiones ex oleo repetebantur , febris ex more redibat , ardores sub rubescentis lotii fluxu excitabantur , ac filamentorum plurimum desidebat . Tunc per virgulam plumbeam urethrae immissam jam duram illam anuli instar prominentiam immi-
nui observavimus . Tribus sequentibus mensibus nihil est confectum ; se enim a morbo sanatum aeger putavit : At cum inde ex quadam urinae difficultate , punctionibusque in perinaeo , revertentibus de morbi reliquiis dubitaret , rursus injectionibus peragendis se dedit . Tertiâ autem vesperrâ febris de more recurrit , aliaque putridarum sordium fragmenta , lotio admixta , exciderunt ; quare melius aeger se habuit . Hinc , vel continuis , vel alternis noctibus ante somnum , ab injectionibus ex oleo nunquam destitit ; quo tempore , aut febriculae , aut musculorum vagantes distentiones accedebant , aut tenuissimae pellucidaeque urinae magna copia excernebatur . Postea maturi puris squamulae , morbi cum levamento , evellebantur . Interim dormiens creberrimas feminis ejectiones invite passus est , quibus , levem dolorē ad carunculam sentiens , expergiscebatur . Semen atro-rubenti colore tinctum , tenax , foetidumque ejiciebatur , quod paullatim naturali suae constitutioni restitutum est . Ex quo vasa , & vesiculas seminales ulcera subter intrasse agnoscebatur ; a Natura idcirco testium , & utrius-

utriusque funiculi spermatici contractiones , atque intumescantiae inducebantur . Dexter autem funiculus , testisque prae sinistro magis sursum trahebatur , intumescerebat , dolebat ; quod aliis signis adjunctum , majorem in hac parte esse laesionem ostendit . Eae fortasse seminis frequentissimae ejectiones in somno eveniebant , ut a materia seminali effluente sordes abstergerentur , quas haec transitu attingeret . Et quidem remotis plane sordibus , etsi oleum in urethram immitteretur , illa abierunt incommoda , rarioribus polluebatur ejectionibus , neque semen atrorubens unquam effluxit . Pelliculae dumtaxat , aut squamulae , quas in Dissertatione memoravimus , in urina subsiderunt , earum emissionem levaminis plurimum aegro in diem eveniebat . Tandem saepissime , & abundanter mingere coepit , ac molestus urethram ardor incendebat ; cum inopinate magnam liquidae putrisque materiae vim , veluti a furunculo mature rupto , lotio commixtam , quadraginta circiter horarum spatio reddidit . Quae de re melius postea se habuisse , observavi ; donec paullatim per adhibitae ad aliquod etiam tempus injectiones , radicitus morbo depulso , incolomis factus est .

Historia secunda.

CERdo , aetate quinquaginta circiter annorum sanguineo temperamento , ob frequentes virulentas gonorrhoeas , injectionibus vitriolo medicatis curatas in stranguriam incidit molestissimam . Sub qua urina multa deferens putrida filamenta , difficili bifidoque cursu , aut stillatim cadebat . Stranguria demum transiit in ischuriam ; immissus urethrae catheter ad granum constitit hordeaceum , neque , omni adhibitâ diligentia , Nicolaus Damianus chirurgus apud Volaterranos admodum peritus , ultra potuit illum adigere . Catheteri virgulas , & cereas , & plumbeas , regioni pubis & perinaei postquam laxantibus fotum est , frustra substituimus : his tantum durissimum instar anuli obstaculum , uti priori in historia , deteximus , cui circa vesicae collum inflatio quaedam adjiciebatur , ex quibus ischuriam fuisse exortam putavi . Cum penitus urina biduo supprimeretur , deque eo conclamatum esset , in urethram olivarum repente oleum fistulâ conjiciendum , & quoad fieri poterat , comprimi digitis & contineri praecepi . Duabus post injectionibus ex oleo , alias ex malva decocta infundi imperavi . Tribus hinc horis transactis stillatim primum , tenui deinde cursu , multum luttulenti , foetidique lotii exiit , in quo plurima filamenta-

lamenta putrida perspiciebantur . Aeger postmodum optimam victus rationem , & a coitu abstinentiam observans , in continuo talium clysmatum usuordes urinae admixtas quotidie excidere spectabat . Ex more tamen febres , & musculorum , nervorumque distentiones eruptionem malae corruptaeque materiae praecesserunt . Squamulae denique albescentes , quae nihil aliud erant , quam puris vere concocti particulae , urina liberius effluente , decidebant . Hoc levamine contentus aeger , parvique habens , quae tum ferebat incommoda , antiquam vivendi rationem recepit , & injectiones omnino voluit dimittere . Quid postea illi , non bene & perfecte , ut opinor , sanato , evenerit , in praesens nescio .

Historia tertia .

VIR nobilis , quadragesimum annum agens , post gonorrhoeam , injectionibus ex vitriolo male tractatam , levem pertulit stranguriam , cui laxantibus , a me praescribendis , injectionibus mederi statuit . Unâ die ut emollientem decoctionem , alterâ oleum infunderet jussi . Intra mensem duabus tantum divexatus febriculis , & aliquot leniter recurrentibus nervorum , ac musculorum distentionibus , putridarum albescentium squamularum magnam copiam quotidie urinâ demittente , perfecte sanus evasit .

Histo-

Historia quarta.

Milles, septuagenario major, antiquâ afficiebatur stranguriâ, varias gonorrhoeas, injectionibus ex vitriolo male tractatas, subsequenti. Multorum communium remediorum, quibus jamdiu usus fuerat, inutilitatem fastidians, me de suo morbo consulturus convenit. Emollientes statim injectiones, nullâ fere die intermissâ, applicandas indixi, ex quibus febris de more accessit, tumorque dolens in perinaeo comparuit. Interea chirurgus imperitus injectiones prohibuit, & laxantia, immo suppurantia cataplasmata loco tumenti accomodavit; his apposis locus magis intumuit, ac paullo post collecti jam puris signa advenerunt. Subinde puris non parum, extrinsecus ruptâ suppuratione, egressum est. Sequenti die per apertum a putredine hiatum urina stillatim cadebat, ex quo fluere nunquam destitit ad mortem usque, quam, mense exacto, virium imbecillitate, senio, & febriculâ consumptus, haud dubie chirurgi inscitiâ, miserrime obivit.

FINIS.

